

SULDAL KONTROLLUTVAL

PROTOKOLL

Torsdag 11. februar 2021 blei det halde møte i Suldal kontrollutval under leiing av leiar Tormod Skeie.

MØTESTAD:	Suldal kommunehus, kommunestyresalen
MØTESTART-MØTESLUTT:	kl. 10.00 – 13.00, inkl. pause
MØTANDE MEDLEMMER:	Tormod Skeie (SV), Eldbjørg Sivertsen (Uavh.), Henrik Halsne (Ap), Per Gudmund Øxtra (Sp) og Ragnhild Sukka (V)
MØTANDE VARAMEDLEMMER:	Ingen
FORFALL:	Ingen
FRÅ SEKRETARIATET MØTTE:	Seniorrådgjevar Odd Gunnar Høie, Haugaland Kontrollutvalgssekretariat IKS
FRÅ REVISJONEN MØTTE:	Forvaltningsrevisorane Svein Kvalvåg og Frøy Losnedal – Rogaland Revisjon IKS
FRÅ ADMINISTRASJONEN MØTTE:	Kommunedirektør Karin Dokken Austvik i sak 2 og 5. Kommunalsjef for helse og omsorg Grethe Jæger Anglevik i sak 2 og 4. Kommunekasserar Arnfinn Gundersen i sak 3
ANDRE SOM MØTTE:	Ingen
MERKNADER TIL INNKALLING:	Ingen
MERKNADER TIL SAKLISTE:	Saken blei handsama i denne rekkefylgja: 1, 2, 3, 5, 4, 6 og Ymse

FØLGJANDE SAKER BLEI HANDSAMA:

SAK 01/21 GODKJENNING AV PROTOKOLL FRÅ MØTE 12.11.20

Sekretariatet si innstilling:

Protokoll frå møte i kontrollutvalet 12.11.20 blir godkjent slik han ligg føre.

Handsaming i kontrollutvalet 11.02.21:

Utvalet hadde ingen merknader til protokollen.

Samrøystes vedtak i kontrollutvalet 11.02.21:

Protokoll frå møte i kontrollutvalet 12.11.20 blir godkjent slik han ligg føre.

SAK 02/21 REFERAT- OG ORIENTERINGSSAKER 11.02.21

1. Spørsmål om barnevernet v/kommunedirektøren
2. Rapport frå tilsyn med Indre Ryfylke Barnevern sitt arbeid med undersøkingssaker – Fylkesmannen i Rogaland 04.12.17
3. Avslutning av tilsyn med barneverntenesta i Indre Ryfylke – Fylkesmannen i Rogaland 27.01.20
4. Jule- og nyttårsbrev til ordførar – kopi til kontrollutvalet – frå Gerd Kristin Høivik
5. Kopi av svarbrev til Gerd Kristin Høivik – frå ordførar, dagsett 15.01.21
6. Forlik i Suldal Bad-konflikten – Suldalsposten 29.01.21
7. Statusoversyn pr. februar 2021
8. Oversyn over kostnadane til kontroll og revisjon 2020
9. Perioderapportering pr. 31.12.20 frå Rogaland Revisjon
10. Protokoll frå representantskapsmøte i Haugaland brann og redning IKS – 13.11.20
11. Kronikk i Kommunal rapport 15.12.20 – Kommunale kontrollutval –lokaldemokratiets vaktbikkje

Handsaming i kontrollutvalet 11.02.21:

Leiar gjorde greie for referatsakene.

Pkt. 1 spørsmål om barnevernet

Kommunaldirektør Austvik og kommunalsjef Anglevik orienterte og utdjupa det skriftlege svaret. Utvalet var nøgd med tilbakemeldinga.

Utvalet hadde ingen særskilte merknader til referatsakene.

Samrøystes vedtak i kontrollutvalet 11.02.21:

Suldal kontrollutval tar referat- og orienteringssakene 1 – 11 til orientering.

SAK 03/21 ORIENTERING FRÅ ADMINISTRASJONEN - KOMMUNEKASSERAR

Sekretariatet si innstilling:

Suldal kontrollutval tek gjennomgangen frå om sitt arbeid og ansvarsområde til orientering.

Handsaming i kontrollutvalet 11.02.21:

Kommunekasserar Gundersen orienterte og viste ein presentsjon. Han gjorde greie for sine ansvarsområder, korleis dei var organisert, budsjetttrammer, tal på tilsette og ulike samarbeidsfora. Kommunekasseraren svara på spørsmål undervegs.

Leiar takka for ei god og grundig orientering.

Samrøystes vedtak i kontrollutvalet 11.02.21:

Suldal kontrollutval tek gjennomgangen frå kommunekasserar Arnfinn Gundersen om sitt arbeid og ansvarsområde til orientering.

SAK 04/21 REVISJONSRAPPORT – «PSYKISK HELSEHJELP»

Sekretariatet si innstilling:

1. Suldal kommunestyre har merka seg det som kjem fram i Rogaland Revisjon IKS sin rapport «Psykisk helsehjelp» og tek denne til orientering.
2. Rapporten vert oversendt til kommunedirektøren for vidare oppfølging av rapporten sine sju tilrådingar.
3. Kommunedirektøren gir tilbakemelding til kommunestyret via kontrollutvalet om oppfølging av rapporten innan ni månader etter at kommunestyret har gjort sitt vedtak.

Handsaming i kontrollutvalet 11.02.21:

Forvaltningsrevisorane Kvalvåg og Losnedal gjorde greie for rapporten og viste ein presentasjon. Dei forklarte at det var blitt ein omfattande rapport, og at det mellom anna var gjennomført 45 intervju. Revisorane gjorde greie for hovudfunna i rapporten og dei sju tilrådingar til kommunen.

Utvalet var nøgd med rapporten og slutta seg til innstillinga.

Samrøystes vedtak i kontrollutvalet 11.02.21 og innstilling til kommunestyret:

1. *Suldal kommunestyre har merka seg det som kjem fram i Rogaland Revisjon IKS sin rapport «Psykisk helsehjelp» og tek denne til orientering.*
2. *Rapporten vert oversendt til kommunedirektøren for vidare oppfølging av rapporten sine sju tilrådingar.*
3. *Kommunedirektøren gir tilbakemelding til kommunestyret via kontrollutvalet om oppfølging av rapporten innan ni månader etter at kommunestyret har gjort sitt vedtak.*

SAK 05/20 TINGING AV NYTT FORVALTNINGSREVISJONS - PROSJEKT – «KRITISK KOMPETANSE»

Sekretariatet si innstilling:

Suldal kontrollutval tingar ein revisjonsrapport om «Kritisk kompetanse» i samsvar vedlagte prosjektmandat/med dei endringane som kjem fram i møtet.

Oppdraget tingast frå Rogaland Revisjon IKS innanfor ei rame på 300 timar.

Handsaming i kontrollutvalet 11.02.21:

Leiar innleia om saka. Utvalet drøfta prosjektmandatet saman med kommunedirektøren. Forvaltningsrevisor svarte på spørsmål. Medlemmane blei samde om å stryke følgjande problemstilling «Korleis arbeidar kommunen med å få ned sjukefråværet?».

Forvaltningsrevisor meinte at ressursbruken kunne reduserast med 80 timar med å fjerne denne problemstillinga.

Utvalet slutta seg til denne endringa.

Samrøystes vedtak i kontrollutvalet 11.02.21:

Suldal kontrollutval tingar ein revisjonsrapport om «Kritisk kompetanse» i samsvar vedlagte prosjektmandat, med den endring at følgjande problemstilling blir stroken: «Korleis arbeidar kommunen med å få ned sjukefråværet?», og at rama blir redusert med 80 timar.

Oppdraget tingast frå Rogaland Revisjon IKS innanfor ei rame på 220 timar.

SAK 06/21 ÅRSMELDING FOR KONTROLLUTVALET 2020

Sekretariatet si innstilling:

Kontrollutvalet godkjenner årsmeldinga for 2020 (med eventuelle endringar som kjem fram i møtet).

Innstilling til kommunestyret:

Suldal kommunestyre tek årsmeldinga for 2020 frå kontrollutvalet til orientering.

Handsaming i kontrollutvalet 11.02.21:

Utvalet hadde ingen merknader og slutta seg til innhaldet, slik det var lagt fram.

Samrøystes vedtak i kontrollutvalet 11.02.21:

Kontrollutvalet godkjenner årsmeldinga for 2020.

Innstilling til kommunestyret:

Suldal kommunestyre tek årsmeldinga for 2020 frå kontrollutvalet til orientering.

YMSE

Klimarapportering

Utvalsleiar tok til orde for at han ville at dei folkevalde skulle få tilbakemelding på klimaavtrykket som budsjett og rekneskap fører til. For å få til slik rapportering trengs det eit ønske hos kontrollutval og kommunestyre om å få slik informasjon/klimarekneskap. Vidare må revisjonen vera kompetansemessig i stand til å levera slik tilbakemelding. Leiar utfordra revisorane Svein Kvalvåg og Frøy Losnedal til å diskutera dette med RR og melda tilbake om RR har kompetanse og interesse i å tilby slik rapportering/klimarekneskap til kommunane.

Vidare ville leiar at sekretariatet skulle undersøkje om det er interesse for slik tilbakemelding i dei kommunane dei betener. Om interessa er der kan RR ta til med viktig nybrottsarbeid når det gjeld forma på slik klimarapportering – og kommunane vera med å skapa ein marknad for slik klimakunnskap som eit styringsverktøy. Leiar såg fram til tilbakemeldingar frå sekretariatet og Rogaland Revisjon. Utvalet hadde ikkje innvendingar til leiar sitt framlegg.

Neste møte: torsdag 29.04.21, kl. 10.00

Saker: årsrekneskapen og orientering frå kommunalsjef oppvekst.

Sand/Aksdal, 11.02.21

Tormod Skeie
Leiar

Odd Gunnar Høie
Kontrollutvalssekretær